

吉安府泰和縣知縣高陽冉崇重輯

宦蹟目錄

徐仁徹 唐 劉乾宗 後唐 陳承逸 南唐 張翊

曾文昭 龐敏 宋 臧綸 范應辰

古士元 王陶 葛源 盛陶

唐炯 凌瑀 黃進堅 李覲

泰和縣志 卷十 官師 宦蹟 一

胡遵道 盛中叔 郭奉世 蕭伯原

劉楫 陳則 方師尹 孫萃

湯萃容 蒲堯仁 王正之 陳秀實

張可速 林采 趙蕃 趙師奭

卓洵 趙汝暮 元 何抄爾赤 彭斯存

曾翰 海鵬飛 達理馬識禮

趙友直 明 吳去疾 黃珪 顧文昱

夾谷侯 沈夔 劉昭先 陳能

郝思讓 徐遜 應承完 孫公與

吳勝祖 李吉 張源 郭璘

徐麟 吳埜 曹雋 單信

余耀 劉芳 顏夔 孫暉

譚昇 王輔 陳毅 吳必顯

鍾雲 沈時 楊南金 陸震

李楫 周詔 王春復 汪一中

馮叔吉 劉茂 孔永祐 吳大進

唐伯元 濮中玉 王元瑞 吳文瀛

朝顯孫佐聖 宋德馥 田惟冀

泰和縣志 卷十 官師 官蹟 二

隋

徐仁徹為太和丞見唐李翱所著其曾孫申行狀宏治志

唐

劉乾宗武德五年即太和縣治置南平州以州人劉乾

宗為刺史時大亂初定反側未安故多置郡縣假刺

史之權以鎮之宏治志

後唐

陳承逸金陵人唐末隨父暉徙居西昌有智識同光元

年邑缺公衆推承逸攝之承逸曰吾既不才且非好

自封殖者敢有他志盡改畜之以需上命衆以權
請于州牧命曰都幹以表異之承逸猶固辭不得已
而後視事革蠹除苛民安其居宏治志

南唐

張翊其先京兆人至廬陵禾川見其沃壤居焉射策中
第授虔州觀察推官西昌令在任政績顯著尤長文
翰禾山有大舜二妃廟及邑中紫陽觀新興佛閣碑
記皆翊所撰嘉泰志

曾文昭新淦人七歲應童子科授縣尉以廉敏陞太和

泰和縣志

卷十

官師 官蹟 三

縣賜朱紱歸宋為亳州永城令上疏論邑利害免輓
船夫力歲省萬計遷蒙城蝗不入境民詣闕借留詔

褒許之萬歷志

龐敏建隆辛酉為太和縣宰徐鏞白鶴觀碑稱其治曰
明察足以不欺貞固足以幹事

按建隆辛酉為宋太祖即位之二年在南唐為中
興四年是年後建隆元年

慈入宋興今改正

成綸字仲言應天府楚邱人登太平興國八年第來知
太和縣事縣俗素號健訟綸至先設置巨械嚴固徃
牢箠挺絙索比他邑數倍民已悚駭次作諭民詩五
十絕皆易曉語俾之諷誦限曰半年不悛者如此法
不踰時訟果大減其詩云文契多欺歲月深更將疆
界漸相侵官中驗出虛兼實枷鎖鞭笞痛不禁大率
類此每歲時與囚約曰放爾暫歸祀先櫛沐囚去皆
及期而還真宗初晉龍圖閣待制宏治志

范應辰咸平間以大理評事知太和縣事遷文宣廟於

泰和縣志

卷十

官師

官蹟

四

縣之良方作廟記

淳熙志

呂士元字佐堯江寧人咸平二年舉明經由潭州醴陵

尉為太和令民喜鬪訟徃徃因事中吏以法多不免

士元日與大吏爭曲直猾吏伺候終無毫髮過失可

得在官三十餘年以其祿衣食其族四千餘口雖薄

必均子溱嘗隨侍至邑有讀書堂在縣圃皇祐五年

登進士大魁及第士元以大常博士卒歐陽修誌其

墓曰官雖卑惠於其民足以為政祿雖薄周於其族

足以為仁身雖不顯有子以光大其門足以彰其德

善之效 嘉泰志

王陶韶州曲江人唐宰相珪之後珪子敬高坐事南因家焉陶博學有俊才登天聖五年進士慶歷元年知太和縣興華利患不局局簿書不搖惑于毀譽縣署傾圮陶費錢百萬修之自為記 孫華書

按舊志稱陶太原人歐陽修作剛說送之官至御史中丞考宋史本傳未嘗官太和嘗是另一王陶據陶修署碑云予去秋被命私自便老親居曲江板輿度嶠北沿流疾下累日可至則陶明是粵人

泰和縣志

卷十

官師 宦蹟 五

故從田志及通志改正又天聖五年新志作天咸慶歷元年田志作五年並誤今亦改從通志

葛源字宗聖龍水人由進士為縣主簿州檄攝吉水令他日令始至吏輒誘民數百訟連下設變詐以動令如此數日令厭則事常在吏矣源至立訟者兩廡下取其狀視有如吏所為者使自書所訴不能者吏受之徃徃不能如狀窮治輒曰我不知為此乃某吏教我也悉捕劾致之法訟以故少吏亦終不能得其

六 乞 寡婦告其子源以恩義諭之不從則使人微

捕有與間語者捕得之驗其對乃書寡婦告者也
治具服為私謀誣其子縣距州遠溪水惡而歲租幾
十萬石民以輸為苦源始議置縣倉以受輸至今賴
之後官至尚書度支郎中

宏治志

盛陶字仲叔鄭州人熙寧中宰太和臨政不撓人懷嫉
忌中以飛語邑人曾細寃之乃率邑士以書詣府極
力辨正上官怒而擲書細復剴切指陳移時徐拾書
以退未幾陶以才德擢御史細亦以此知名

淳熙志

按曾細通志引林志作曾剛誤

泰和縣志

卷十

官師

宦蹟

六

唐炯字林夫太子中允降授大理評事以言事被竄熙
寧中監太和鹽酒稅嘗讀書於太平倉後之小閣黃
連堅有詩紀之曰前日學書池遂名墨池閣後移監

杭州龍山稅流落遠方見陳襄熙寧論薦章稿

宏治志

凌瑀承新縣簿有能聲檄權太和縣事丞相劉沅贈以
詩曰移我禾水思去極西昌墜子忝受知者贈行聊
建議事上在乎恭恭須戒成媚臨下貴乎簡簡亦防
與偽寬勿使傷帝猛宜懲大驚五月朔報成雄揖循

吏吏 萬歷志

黃庭堅字魯直分寧人元豐初知太和縣會頒鹽筴
邑爭受多數庭堅積鹽於廩不忍以賦貧民大吏啣
之庭堅為人慈祥愷悌民亦不敢欺性喜江山日以
文字自娛然蒐匿賦諷民隱不自暇逸凡山溪窮僻
必親至其地遇勝則留題如快閣觀山等篇尤寄興
高遠 萬歷志

按唐志又載山谷一日登快閣隱卧夢飯鮓魚及
覺猶若在口比出東郊偶馳至竹林見一老嫗哭
墓前飯鮓未輟為詢其故嫗云平生止此女死若

太和縣志

卷十

官師

宦蹟

七

十年矣其女死日即堅所生之辰遂與嫗歸終身
養之因自題曰似僧有髮似俗無塵作夢中夢見
身外身又田志稱別傳記山谷偶過民居見街巷
門閭若所熟悉至一小室有老嫗設齋供女几上
陳法華經一函起視之中有落盤壞字處皆所記
憶今按山谷生於仁宗慶歷五年乙酉於元豐四
年辛酉赴太和任時年三十七矣至元豐六年十
二月始移德平有詩云一官四十已包羞是年蓋
三十九矣所傳老嫗女事荒唐殊甚故于傳內刪

去附存此以辨誣妄

李覲字子範夢符之弟博學強記元豐中預特奏名初筮仕本縣尉佐黃連堅有詩贈之云乃兄自是文章伯此子真成矍鑠翁見宜春傳信錄宏治志

胡遵道新喻人任太和主簿與黃庭堅同僚嘗以安東奉父訖養士論榮之宏治志

盛中叔與黃庭堅有中表親熙寧庚戌為尉歎石池寺不日而成哀縣學敝而不能復者此人也宏治志

按李志中叔作尉與前作令之盛陶似屬兩人新

恭和縣志

卷十

官師

宦蹟

八

志以陶字仲叔事合為一未詳孰是

郭奉世字少馮新淦人為永新令時太和民苦政虐請諸上司欲得奉世治太和漕檄以往而永新民不可奉世乃寓兩縣交境中之佛舍兼治焉宏治志

按宏治志奉世載在傳末康熙田志作大觀某年今姑從之

蕭伯原新淦人以蔭授宣義郎為太和縣丞時金兵壓境官屬解散獨伯原不懼郡嘉其忠命署縣事既得代因將邑桃源愛其勝家焉萬歷志

福字公村清江人紹興四年來知太和縣事在任
學育材士為立生祠於學又作去思詩以頌美之邑
人倪師尹為序 宏治志

陳則字準夫福唐人紹興間為太和令奉身廉潔嚴而
不苟時遭寇後戶口凋耗富豪多占婢媵則見訟者
輒責還之令完其偶時朝廷置免行錢郡賦之弊諸
縣俯首聽命獨廷爭之故邑占數獨輕公暇課隸役
種桑麻公圃中有勸民五事一盜賊二侈靡兼并三
詭戶飛產四不耕不蠶五善惡之報 萬歷志

太和縣志

卷十

官師

宦蹟

九

方師尹字民瞻弋陽人居官愷弟不邀名譽御史田如
鰲重之章貢兵變揚聲欲下直擣廬陵師尹編木為
柵似鹿角狀橫截江流賊聞遂寢居六年罷叅政董
德元薦於朝尋拜左司郎中曾論廬陵秋賦每苗十
石則科麻油七斗甚為民病疏上會有司吝經費第
蠲一年初監司歲遣幹官出巡威福氣燄過於監司
州縣苦之師尹特疏於朝請止後遷江西提典刑獄
以老致仕邑人思之 淳熙志

孫萃太和縣尉乾道三年丁亥於縣北迎恩門內即

昌驛故址建尉司

宏治志

湯萃容太和縣丞紹興辛未為監稅王舜俞作酒稅務

記宏治志

按辛未為高宗紹興二十一年

蒲克仁字彥性福唐人乾道六年知太和縣事廉白端謹自奉朝夕一飯一蔬或旬不嘗肉味曰吾不以口腹累人也間輟俸餘散諸貧民了不為儲積縣宇災邑人相與出力新之其得人如此有來者諄復曉禮義甚不得已乃加誚讓民卒感愧而去去官之日

泰和縣志

卷十

官師

宦蹟

十

惟存數破篋士民爭齎錢帛出境數百主送之一無所受二年調官五羊道經太和長幼負出迎持酒穀米肉相勞問學士胡銓薦之曰所居民化所守不遷循良吏也

淳熙志

按萬歷志稱克仁輟俸散之浮屠老子之宮田志因改為樂善好施查宏治志豫章書並云散之貧民唐志謬誤乃爾今從李志改正

正之字濟仲臨川人權太和縣簿乾道庚寅嘗建經

史閣 宏治志

陸廣實為孝宗乾道六年

陳秀實字與五年其父為太和簿秀實隨侍父署深諳民情淳熙二年來知縣事政大治太守王檄行修志與縣佐張可速任其事西昌文獻賴以不墜

康熙志

張可速三山人淳熙二年任太和丞改署中二松堂為格物齋秀璧軒為朝陽軒與縣令陳秀實修志著述之功張居十九

康熙志

林采字逢時三山人自號孤山琴隱淳熙十三年知太和縣事嘗勸農三德白泉兩寺有詩曰江浙東頭六

泰和縣志

卷十

官師

宦蹟

十一

勸耕隨緣却到古南平後遷禮部郎中

宏治志

趙蕃字昌父為太和縣簿以清廉著楊萬里贈以詩曰

西昌主簿如禪僧日餐秋菊嚼春冰西昌官舍如佛

屋一物也無唯有竹俸錢三月不曾支竹陰過午未

晨炊大兒叫怒小兒啼乃翁對竹方賦詩詩人與竹

一樣瘦詩句與竹一樣秀故山蒼玉搖綠雲月梢風

月最閒身勸渠未要思舊隱且與西昌作好春之句

宏治志

趙師真字周佐紹熙元年知太和縣事闢黌舍益庠廩

作興士類增驛卒嚴邏警民無盜賊之虞每催科俾
民自為期征商榷酤利源不壅凡邑之用取具焉兩
造之辭據案立決不以委吏舞文之奸無所竄其巧
重修快閣累石為岸以殺水勢其遺基尚存

安治志

按師真傳舊志作紹熙新志作紹興誤

卓洵字士直長樂人慶元間以朝奉郎知太和縣管勸
農營田事蒞任時適遭旱嚴減田租留心水利創
置沿溪六閘灌田萬畝工直之費悉從官給未嘗銖
粒病民

康熙志

泰和縣志

卷十

官師

宦蹟

十二

趙汝蕃字嘉言南昌人博學能詩文嘉泰中來知太和
縣事邑舊無渡船濱江無賴之徒往往撐小舟射利
營生不量輕重以致民多陷溺汝蕃亟造大小船十
二隻分濟上下各渡又出榜立法禁約為經久計由
是民免墊溺之患其修理廢墜愛撫小民政績多類
此

安治志

元

柯抄爾赤邾縣人至元十三年來受郡縣降款遂授以
達魯花赤監太和縣時西鄙之民不靖元兵至欲夷

之抄爾赤白都統曰是城內外皆良民其不順者
而鄙耳邑民得獲生全明年七月又有自廣道頼突
入邑東南抄爾赤率衆力禦之境內以安卒於官民
立祠祀之 宏治志

彭所存安福人授太和州同知政績為時所稱 宏治志
會翰永豐人至治中授太和州同知廉以律已明以察
奸有巨室富僧訴訟不決使人致賄於翰計鈔凡一
千定翰痛拒之卒繩以法 宏治志

海鵬飛至正初監太和州事留心學校勸率邑之義士

泰和縣志

卷十

官師

宦蹟

十三

李以中捨租六百石入學供膳師生詳見學碑 宏治志

達理馬識禮字正道高昌人至正九年任太和州達魯

花赤時江淮兵起正道承省命督師九江於十二年

回州鋤獮強徒招集義民置鹿角柵於各要害處每

夜視師率士卒巡邏城內外至於江浦以夜始還返

則篝燈讀易不倦逆知世變即遣妻孥奉母還鄉誓

以死守扁所居室曰大耐寇陷吉安守貳投奔至太

和正道發義兵護之還郡時各郡望風瓦解而太和

獨以忠義倡民為固守乃書忠義之邦四字立碑

之卒於官民繪像祀焉

宏治志

按傳內守貳奔至太和新志訛作二守今從李志
正之

趙友直本州判官元至正末紅巾寇煽同監州達理馬
識禮辟邑忠義士十人禦寇於高行鄉友直頓石壁
誓曰不前驅以殺賊誓不回州獨身當最險里中壯
士咸佐趙軍衝鋒斫賊所至風靡後見賊數敗稍易
之賊得乘懈還擊戰死於石壁時至正壬辰六月也
由此著忠義焉

萬歷志

泰和縣志

卷十

官師

宦蹟

十四

按宏治志稱友直禦寇於西鄉石壁死之紀
傳寥寥今從康熙田志補遺壬辰乃至正十一年
時徐壽輝據漢陽僭號故永新有寇患也

明

吳去疾安慶人嘗從學余闕甲辰以儒士來知州事時
城始歸附人民逃散乃多方招徠饑者食之病者藥
之民感其惠是年秋稅皆告蠲他郡以輸焉州舊城
圯去疾下令新築處置有方不一月而就修理文廟
延師厥有成效

宏治志

此...係元至正二十四年是時明太祖尚
志止標歲紀下黃珪顧文昱同

黃珪字永中臨湘人任太和州同知為山谷之遠孫與
去疾同時鼎建山谷祠其治民寬御吏肅賑饑恤貧
均賦抑強 宏治志

顧文昱字光遠蘇州嘉定人高帝下江南文昱時為京
口掾首納款遂從入金陵授江西行省理問甲辰平
陳氏擢知龍陽州丁未改知太和州前知州吳去疾
以民好訟告文昱文昱乃自為書榜聯紙長數丈誨

泰和縣志

卷十

官師

官蹟

十五

諭諄切民爭來觀觀已去不訟者什二又俾凡訟者
居譙門上思三日然後得訴思不三日去不訟者過
半乃擇吏醇謹者一人置簿受詞民誠負寃輒為疏
理非誠負寃願悔自止者聽不問未兩月民不復訟
境有虎會其時禁民私蓄兵民無所措文昱為檄告
神虎一夕去州大治 豫章書

夾谷侯任太和州同知洪武元年至任二年二月勸農

燕勞有詩邑人劉崧作序孫碧霄繪圖

宏治志

夔安慶人洪武初來知泰和縣事治無苛刻民受其

惠時解字圮廢變善為修葺加于舊規 宏治志

劉昭先字宗啟洪武三年以御史來知泰和縣事政

清簡未嘗疾言遽色事至隨應上不負期約下不勞

民庶新修城隍祠壇墳及稅課局惠民藥局嘗聘品

人楊自立羅子理鄧崇志為師弟子多所成就 宏治志

陳能會稽人洪武三年以書吏陞泰和縣丞佐政廉潔

奉公恪勤終日端坐公署未嘗輕入私室迎父就養

極盡孝敬為邑人所取法 宏治志

思讓字好謙平陽人洪武四年知泰和縣事有善政

泰和縣志

卷十

官師

宦蹟

十六

平徭復興學校勇於有為民懷其惠 宏治志

徐遜字伯敏江陰人洪武十八年知泰和縣事明敏有

才尊賢任能禁姦革弊吏不敢欺時具疏治頑民市

肆閉門行人絕跡上嘉其奏陞五軍斷事 萬歷志

應承完字子固奉化人洪武二十六年來知泰和縣事

時公宇圮廢即構屋覆茅日聽訟其間毀淫祠革吏

弊除民盡境內民病為禱引罪其癘頓愈未幾以

誣去見梁潛所著義馬傳 萬歷志

公與鄆縣人洪武三十二年知泰和縣事居官嚴肅

處事明決雖百務叢脞而分理有方公暇輒賦詩
竹以自娛時縣之南鄉東沔小寇竊發躬親撫定考
滿去職民懷恩惠焉宏治志

吳勝祖溫州人洪武三十二年任泰和簿居官廉潔有
政聲卒於官無以為殮民皆涕泣賻歸其喪萬歷志

李吉字惠迪青州人以御史改知泰和縣事蒞政勤敏
不崇苛刻任滿陞長沙府同知宏治志

張源字本深江寧人永樂五年知廬陵縣八年調署泰
和政事嚴肅到任未幾治賊蠹戢強暴小民樂業至

泰和縣志

卷十

官師

宦蹟

十七

于學校壇壝橋梁舖舍俱修飾完固次年以舊官復
任得代而去宏治志

郭璘字煥文永嘉人由御史改知泰和縣寬厚不苟民
安其治宏治志

徐麟淮海人永樂十六年任泰和縣典史勤勞贊佐是
年大旱禾苗盡槁麟率衆禱於快閣刺臂血濺酒額
天頃刺雨降民沾其惠宏治志

吳埜字景春宜興人由才能舉洪熙元年到泰和縣任
為政慈恕親君子而遠小人以不獲上而去其賢名

至今不泯 宏治志

宣德初由鄉舉授代州訓導改泰
於邑士之有文學者時鍾量知縣事頗易之驚恬若
不知七年督工匠至京師疏乞入試復中順天鄉試
明年舉進士第一授翰林修撰鍾為起狀元坊于縣
治前以侈之 宏治志

單信字忠孚奉化人宣德初任泰和學教諭性坦夷善
吟咏重義輕利善於教學者信服後致仕邑士不

泰和縣志 卷十 官師 宦蹟 十八

忍其去因留居之年九十而終孫昂登景泰甲戌進

宏治志

余耀字叔烜莆田人正統二年由進士出宰泰和縣廉
慎慈祥民愛之如父母陞本府通判掌縣事時邑中
宦勢方盛小民賴以生全楊士奇贈以詩有澄江一

道分明月照見余侯一片心之句 宏治志

劉芳字永馨四川蒼溪人由進士正統十年到泰和縣
任慈恕寬厚才敏學優六年以直性保留被於九年
滿去陞臨安知府 宏治志

顏夔字士奇長沙攸縣人由進士景泰六年到任
任廉介公方蒞政嚴肅嫉惡過甚惜弗克以滿去
志

孫暉字景暉海寧人天順初為泰和縣丞以儒飾更有
才守民甚宜之時顏夔為縣嚴毅簡亢然獨加敬禮
後顏以事去士民赴京留暉補令不報後陞博白知
縣累官山東叅政宏治志

按通志稱暉於景泰壬申以賢良方政薦授泰和
縣丞嘗親定徭役旦夕令下請託不及行以稱廉

泰和縣志

卷一

官師

宦蹟

十九

霍手指其橋為鐵板橋言其公允不可更易也

譚昇字公照雲南澗滄人由進士成化四年到泰和任
廉介平易才識有為百姓愛之三年陞合州知州
志

王輔大興人由舉人成化十年到泰和任
甚便之未幾以憂去宏治志

陳毅字推士山陰人由進士成化十三年到泰和任
識優長廉平敏潔百姓宜之在任六年以推士推監
察御史宏治志

吳必顯字德純石埭人由進士宏治三
建麗譙修葺衙署並措置有方每旱禱雨輒進士民
賦詩頌美自題卷首曰偶感邑人侍讀尹直嘉其不
伐為之序且官兩考陞澤州知州宏治志

鍾雲字公默丹陽人宏治三年任泰和王簿慈祥廉潔
安分守質性好蓮于署前開池構愛蓮亭邑人尹直
作廉簿歌以美之萬歷志

沈時字元中崑山人進士性剛方不事苛刻先任餘干
宏治九年調知泰和縣事適僚幕咸缺身任百責劇

泰和縣志

卷十

官師

宦蹟

二十

革舊弊追完逋欠復達侯祠故址毀白馬廟淫祠修
學校壇舍豪惡戢士類安萬歷志

楊南金鄧州人宏治中知泰和縣事清苦嫉邪曾奏割
慈恩寺之半以益黃山谷祠清復祭田若干又改天
蓬廟為達侯祠邑人羅欽順稱之曰政崇易簡民不
忍欺其詞章操行皆可為後人法萬歷志

震字沙亨蘭溪人正德中知泰和縣事時逆理竊取
中外因弛震洗剔剝革邑乃稱治有索精葛以奉
貴者震毅然白諸當事乃止邑舊有城土為

以得當時頗為不便嘉靖辛酉有寇城中得完始
頌其功 萬歷志

李祥安慶人正德十四年由進士知泰和縣尋值宸濠
之變賴撫王守仁會師臨江樟樹鎮致討輯亦率兵
來會遂破南昌卒擒宸濠輯與有功焉 通志

周詔四川富順人正德中由進士知泰和縣時宸濠變
後邑有巨寇廖贊戴鳳池與南贛諸賊連結四出詔
後先捕其渠魁殲之餘黨置不問衆皆欣悅引類投
見疆宇獲寧甘竹諸處立祠祀其地水旱疾疫禱焉

泰和縣志

卷十

官師

宦蹟

二一

任滿陞刑部主事士民立祠縣治之右與陸震並祀

康熙志

土春復晉江人嘉靖中由進士知泰和縣禮士愛人會
剔弊糧造實徵總冊按戶給之利及數世邑舊有淘
金浩溪二驛去縣治各五十里供億繁民甚苦之春
復申請撫院奏併為白下驛費大省 萬歷志

汪一中字正叔歛縣人由開封推官歷江西副使嘉靖
四十年隣境賊入寇薄泰和一中方讌投箸起曰賊
鼓行而西掩我不備不早計且無噍類豈欲西乎

當路遂以討賊屬之先是泰和巡檢劉茂力戰賊
怒磔其尸一中至率諸將吏祭曰爾職抱關猶死疆
事吾待罪方面不滅賊何以生為遂誓師列陣鼓之
俘五人斬首以徇旦日陣如前會賊至左右皆潰賊
悉赴中軍中軍一潰一中躍馬當賊鋒射殺二人手
刃一人而左脇中鎗二臂中刃三與指揮王應鵬千
戶唐鼎皆死

明史

按一中官副使應入省志以其死在泰邑故從新
志存之

泰和縣志

卷十

官師 官蹟

二二

馮叔吉慈谿人嘉靖中由進士知泰和縣事慈和廉敏
屢著善政修復城垣民不遭寇

康熙志

劉茂濟南人嘉靖間為泰和巡檢時程鄉賊寇犯千秋
鄉茂已辭職奉上官檄領兵進勦戰于馬纓岡失援
陷陣罵賊不屈剖腹裂肢而死

康熙志

按劉茂通志作劉芳疑誤

孔永祐湖廣光化人隆慶中由訓導陞泰和教諭性淳
行朴寡言談諸生有過先溫諭之不悛然後告以峻
語莫不愧服凡贄見必令均于二齋遇貧却不受

病數日即受印司訓吳時有援例生來通幣推與吳
曰印在也吳亦讓不受以為奠具 萬歷志

吳大進金華人萬歷五年為泰和縣丞敏達負剛氣居
官垂三年不囊一錢奉檄署永寧去而民獮之 康熙志

唐伯元字曙台澄海人萬歷三年由進士知泰和縣修
廢舉墜卓然有聲如建萬壽宮新縣署修邑志濬城
濠置社倉清理官店又留心水利築破塘磯自窰頭
至將軍渡磯岍共計七里民甚德之 康熙志

濮中玉字琢峰舒城人萬歷中進士知泰和縣持正不
泰和縣志

卷十

官師

宦蹟

二三

阿有廉能出俸錢為民償逋賦倡立社學置田以贍
貧不能師者皆來就塾一時文教聿興去官之日蕭
然敝篋家居止茅屋數楹 康熙志

按通志稱中玉由長興更泰和縣為政咸惠並用
守正不阿積俸四百金為民償逋凡為民患者悉
罷之置社田八百六十斛邑之貧不能得師者皆
就社學校縣志所載為詳

王元瑞字心岫華亭人萬歷中山進士宰泰和慈祥樂
坊不事苛刻時歲歉請發倉穀平糶以救饑民洪

衝激泛溢民居乃蠲金築磯頭以障贛流又鑄鐵牛
永鎮水患邑人德之稱為王公堤

康熙志

吳文瀛松江人萬歷中進士知泰和縣事蒞政六年恩
威並濟歲荒煮粥賑飢民多存活築壇祈雨有禱必
應任滿考績行取御史民立石建祠

康熙志

國朝

顏孫佐聖徐州人貢生康熙四年蒞泰和縣任審可清
丈絕戶虛糧相繼開豁思泰邑糧冊止有總名而無
花戶因造赤歷以杜虛懸逋欠諸弊奉發福建降兵

泰和縣志

卷十

官師

宦蹟

二四

安插屯田力請中止人咸德之後陞和曲州知州

康熙

志

宋德馥恩縣人康熙九年由舉人知泰和縣事清廉方
正撫字催科不愧循良之治興學校育人才尤加意

整飭

康熙志

田惟冀字禹先永平人康熙二十九年蒞泰和任居官
強毅遇事敢為剖斷精明吏胥束手重建縣署修葺
明倫堂寅賓館名宦鄉賢六忠十義四祠俱自為記
見邑志缺畧留心修葺與四明張銓共事增新補遺

正說交并論者謂勝于唐志云

泰和縣志卷十終

泰和縣志

卷十

官師

官職

二五